



Saksnr  
16/3192-11

Løpenr  
30301/16

Arkivkode  
033 &00

Avd/Sek/Saksh  
LU/LU/EFO4925

Dykkar ref

## DELEGERINGSREGLEMENTET FOR RÅDMANNEN I KLEPP 2016 - 2020

### 1. ANSVARS- OG ARBEIDSOMRÅDE

#### 1.1 Generelt

Når ikkje anna er klart slått fast i lover og retningslinjer eller kommunestyrevedtak, er avgjerd i einskildsaker delegert til rådmannen ("speilvendingsprinsippet").

Dei faste politiske organa kan i gitte tilfelle delegera til rådmannen å treffa avgjerder der desse sjølv, av tidsmessige grunnar, ikkje rekk å behandla saka. Slik delegering skal vera tidsavgrensa.

#### 1.2 Arbeidsgjevaransvar

Rådmannen er øvste leiar for den samla kommunale administrasjonen, med dei unntak som følgjer av lov eller vedtak i kommunestyret. Rådmannen har myndighet til å treffa avgjerder i personalsaker.

Rådmannen står for tilsetjing/oppseiing i alle kommunale stillingar som ikkje er unntatt i lov, eller i dette reglement pkt. 1.7.

Rådmannen sitt arbeidsgjevaransvar skal utøvast i samsvar med kommunen sin arbeidsgjevarpolitikk, gjeldande lover og forskrifter, avtaleverk, protokollar og handlingsplanar.

#### 1.3 Rådmannen sine oppgåver og myndighet etter kommuneloven § 23

Rådmannen er øvste leiar for den samla kommunale administrasjonen, med dei unntak som følgjer av lov og rammer fastsette av kommunestyret.

Rådmannen har ansvaret for at dei sakene som blir lagde fram for folkevalde organ, er forsvarleg utgreidde, og at vedtak blir sette i verk.

Rådmannen har møte- og talerett, personleg eller ved ein delegert underordna, i alle kommunale organ med unntak av kontrollutvalet. Den underordna møter i eigenskap av rådmann.

Kommunestyret delegerer myndighet til rådmannen til å treffa vedtak i enkeltsaker og i saker som ikkje er av prinsipiell karakter.

#### 1.4 Delegert myndighet til rådmannen på vegne av kommunen som rettssubjekt



Rådmannen blir delegert fullmakt til å inngå avtalar om kjøp/sal av mindre areal i samsvar med godkjent reguleringsplan, jfr. politisk delegeringsreglement, § 6.3.1.

Rådmannen får fullmakt til å krevja kart- og delingsforretning på vegne av kommunen. Rådmannen får fullmakt til å møte på kart- og delingsforretningar på vegne av kommunen, og til å underteikna avtalar om grensejustering etter gyldig vedtak, eller når saka ikkje er av prinsipiell karakter.

### **1.5 Rådmannen sine fullmakter innan økonomiforvaltninga**

Rådmannen sine fullmakter innan økonomiforvaltning går fram av økonomireglement og finansforvaltningsreglement. Rådmannen utarbeider fgrunnlag for budsjett og handlingsplan for økonomiutvalet og års- og tertialrapport for formannskap/kommunestyre.

### **1.6 Rådmannen sin tilvisingsmyndighet**

Rådmannen har ansvaret for at kommunale utbetalingar skjer i samsvar med fullmakter. Oversikt over delegert tilvisingsmyndighet skal haldast ajour.

### **1.7 Rådmannen sine fullmakter innan personalforvaltning**

I medhald av kommunelova § 24 nr. 1 blir kommunestyret sin myndighet i personalsaker delegert til rådmannen eller den som han gir fullmakt, slik:

- Tilsetjings- og oppseiingsmyndighet for alle stillingar, bortsett frå rådmann.
- Myndighet til å organisera dei kommunale tenestane og funksjonane (jfr. *Politisk delegeringsreglement* kap. 5.2, strekpunkt 6)
- Myndighet til å vedta reglement og instruksar innan personalområdet
- Myndighet til å lønnsplassera stillingar og fastsetja individuell lønn ved tilsetjing, bortsett frå stillingane nemnde i første strekpunkt
- Myndighet til å forhandla og fastsetja lønn for alle stillingar innanfor vedtekne lønnspolitiske retningslinjer
- Myndighet til å godkjenna sentralt fastsette særavtalar, som følgje av hovudtariffavtale.

### **1.8 Uttale**

Rådmannen får fullmakt til å gje uttale til offentlege utgreiingar, lovforslag m.m. når desse ikkje er rekna å ha spesiell politisk interesse eller dersom høyringsfristen ikkje gir tid til politisk behandling. Elles er formannskapet eller berørt hovudutval kommunen sin høyringsinstans. Saker der rådmannen etter fullmakt har gitt uttale, skal rapporterast til formannskapet.

### **1.9 Saker som gjeld kommunal eigedom**

Rådmannen får fullmakt til å leiga ut kommunale utleigebustader og inngå leigekontrakt etter retningslinjer og rammer fastsette av kommunen.

Rådmannen får fullmakt til å seia opp leigekontrakt ved brot på denne, og om nødvendig be om utkastning av leigetakar i kommunale bustader etter reglar som gjeld for dette. Rådmannen får fullmakt til å leiga ut kommunale kontorlokale og fastsetja leigesats innanfor budsjett eller rammer/retningslinjer som gjeld for kommunen.

Rådmannen får fullmakt til å inngå kontrakt om feste av tomt, administrera ordninga og krevja festeavgift.

Rådmannen er delegert myndighet til å selja bustadtomter innanfor regulerte tomteområde i samsvar med tomtetildelingsreglar fastsette av kommunestyret.

Rådmannen får delegert fullmakt til kjøp og sal av bustadar innan budsjettramma. Sal av bustadar skal skje til marknadspris.

Rådmannen får delegert fullmakt til kjøp av mindre areal som trengs for gjennomføring av vedteken reguleringsplan, (t.d. utviding av veg, gang- og sykkelveg, parkering mv.).

## **1.10 Andre saker**

Rådmannen skal sjå til at alle saker som blir lagde fram for politisk behandling er forsvarleg utgreidde (KI § 23 nr 2) og har rett til å gi tilråding i saker som skal behandlast i folkevalde organ (KI § 39 nr 2). (Økonomiutvalet legg fram forslag til budsjett og handlingsplan).

Rådmannen får fullmakt til å tvangsinndriva kommunale krav i samsvar med gjeldande lover og forskrifter.

Rådmannen får fullmakt til å avgjera søknader om å vika prioritet for kommunale hefte.

Rådmannen får fullmakt til å sletta hefte på parsellar eller tomter som blir utskilde frå hovudeigedom, og som får egne bruksnummer.

Rådmannen får fullmakt til å avskriva ikkje inndrivbare krav på inntil 100 000 kr pr. år, og einskildkrav på inntil 20 000 kr.

Rådmannen får fullmakt til å fungera som førsteinstans i klagesaker som ikkje er av prinsipiell karakter, jfr. forvaltningsloven § 33.

## **2. DELEGERING ETTER SÆRLOV**

Rådmannen blir delegert kommunen sin myndighet etter følgjande særlover og forskrifter m.m.:

### **2.1 Stabs- og fellestenester**

#### **- Straffeprosessloven av 22. mai 1981 nr. 25**

- Rådmannen får delegert fullmakt til å krevja offentlig påtale på vegne av kommunen der offentlig påtale er avhengig av oppmoding frå fornærma - § 81 a annet ledd.

#### **- Lov om omsetning av alkoholholdig drikk m.v. av 2. juni 1989 nr. 27**

- Saker vedr. skifte av styrar og stedfortredar - §§1-7b og 1-7c,
- Saker som gjeld skjenkeløyve for ein enkelt anledning, evt. utviding for ein enkelt anledning - §§ 1-6, 2. ledd, 4-2, 3. ledd, 4-5, 4-4, 3. ledd
- Saker som gjeld ambulerande løyve - § 4-5
- Rådmannen får fullmakt til å fastsetja årleg bevillingsgebyr for sal og skjenking av alkohol etter satsar vedtekne av departementet – § 7-1

#### **- Lov om serveringsvirksomhet av 13. juni 1997 nr. 55**

- Myndighet til å gi serveringsløyve er delegert til rådmannen – §§ 3, 6 og 9

- Rådmannen kan ved enkelthøve gje løyve til å lukka seinare eller opna tidlegare enn dei fastsette tidene - § 15, 4. ledd
  - Godkjenning av dagleg leiar er delegert til rådmannen - §§ 4 og 6
- **Lov om trdomssamfunn og ymist anna av 13. juni 1969 nr. 25 og Lov om tilskott til livssynssamfunn av 12. juni 1981 nr. 64**
- Rådmannen har myndighet til rekna ut og fordela kommunale midlar til registrerte og uregistrerte trdoms- og livssynssamfunn etter gjeldande retningsliner gitt av departementet.
- **Lov om Husbanken av 29. mai 2009 nr. 30 med forskrifter**
- Rådmannen har delegert fullmakt til å avgjera søknader om startlån, utbetningslån og tilskot til etablering/utbetring og i og tilpassing av bustad.
- **Lov om helsemessig og sosial beredskap av 23. juni 2000 nr. 56**
- Oppfølging av ansvarsprinsippet er delegert til rådmannen - § 2-1
  - Samordning av beredskapsplanar - § 6 i forskrifta
- **Lov om behandling av personalopplysninger av 14. april 2000 nr. 31**
- Sjå til at kommunen sine reglar og konsesjonar er i samsvar med loven.
- **Lov om konfliktrådsbehandling av 20. juni 2014 nr 49**
- Rådmannen peikar ut kontaktperson for konfliktrådet - § 4

## 2.2 Etat for skule og barnehage

- **Lov om grunnskolen og den vidaregåande opplæringa av 17. juli 1998 nr. 61**
- Rådmannen får delegert myndighet i saker som ikkje er av prinsipiell karakter.
  - Godkjenna framskutt og utsett skulestart, og avgjera søknad om heilt eller delvis fritak for undervisning - § 2-1
  - Fremja krav om offentleg påtale dersom skuleplikta ikkje blir følgd opp - § 2-1 5. ledd
  - Gjennomføra språkdelling - § 2-5, 4. ledd
  - Særskilt språkopplæring for elevar frå språklege minoriteter - § 2-8
  - Gjennomføra opplæring i teiknspråk og punktskrift §§ 2-6, 2-14
  - Sjå til at ordensreglement og reglar for bortvising blir utarbeidd - §§ 2-9 og 2-10
  - Gje elevpermisjon frå den pliktige opplæringa - § 2-11
  - Føra tilsyn med privat opplæring i heimen - §§ 2-13 og 14-2
  - Setja i gang grunnskuleopplæring og spesialundervining for vaksne - §§ 4A-1, 4A-2
  - Sikra at det blir gitt spesialpedagogisk hjelp og spesialundervisning til barn og unge etter sakunnige vurderingar (PPT) - §§ 5-1, 5-7 jfr. kap. 5
  - Flytta ein elev til ein annan skule i kommunen eller til annan kommune - § 8-1, 3. ledd
  - Organisering av elevane i klasser eller basisgrupper - § 8-2
  - Elevane sitt skulemiljø – Kapittel 9A
  - Sørgja for skuleskyss - § 7-1 og § 13-4 (farleg skuleveg)
  - Ta opp elevar i kulturskulen - § 13-6
  - Organisera skulefritidsordninga (SFO) og ta opp barn i denne - § 13-7
  - Sjå til at opplysningsplikta til barnevern- og sosialtenesten blir oppfylt - §§ 15-3 og 15-4
- **Lov om barn og foreldre av 8. april 1981 nr. 7**
- Utøva kommunen sin myndighet til å gje uttale i spørsmål om foreldremyndighet og samværsrett - § 61, nr. 6
- **Lov om barnehagar av 17. juni 2005 nr. 64**
- Myndighet til å godkjenna barnehagar og familiebarnehagar - §§ 10 og 11
  - Opptaksmyndighet - §§ 12 og 13
  - Kommunen sin tilsynsmyndighet - § 16

- Kommunen sin myndighet til å dispensera frå utdanningskrav - §§ 17 og 18
- Fordela ressursar til særlege tiltak for barn i førskulealder

### 2.3 Tenesteområde for helse og velferd

- **Lov om kommunale helse- og omsorgstjenester 24. juni 2011 nr. 30 med forskrifter**  
Rådmannen har ansvaret for at dei kommunale helse- og velferdstenestene er innan rammene i lova, vedtak i kommunestyret og vedtak i hovudutvalet for helse og velferd.

Rådmannen skal ivareta:

- Kommunen sitt ansvar for nødvendig opplæring av personell innanfor tenesteområdet – Kap 8
- Kommunen si plikt til å samarbeida med andre deler av forvaltninga og med frivillige organisasjonar vedr. helse- og omsorgstenester - §§ 3-4 og 3-10

Rådmannen har myndighet til å gjera vedtak om (med mindre lov, forskrift eller kommuestyrevedtak er til hinder for dette) helse- og velferdstenester som etter kap 3 blant anna skal innehalda:

- Helsetenestar i skule og helsestasjon
- Svangerskaps- og barselomsorgstjenestar
- Legevakt
- Heildøgns medisinsk akuttberedskap og medisinsk nødmeldetjeneste
- Utgreiing, diagnostisering og behandling herunder fastlegeordningen
- Sosial-, psykososial- og medisinsk habilitering og rehabilitering
- Helsetenestar i heimen
- Personleg assistanse, herunder praktisk bistand og opplæring og støttekontakt
- Plass i institusjon, herunder sjukeheim
- Avlastning
- Bustadar for vanskeligstilte
- Omsorgsløn

Rådmannen har fullmakt til:

- å rekna ut og krevja inn vederlag for helsetenester så langt reglar og forskrifter gir høve til det, og innanfor dei satsane kommunestyret har vedteke.
- å krevja vederlag frå mottakar av sjukeheimplassar etter gjeldande regelverk innanfor rammene vedtekne av Kommunestyret - § 11-2
- å fråfalla krav om eigenbetaling eller endra betalingssetning etter søknad
- å gjera vedtak om særlege tiltak for rusmiddelbrukarar – kap. 10

- **Lov om sosiale tjenester i NAV av 18. desember 2009 nr 131**

Jf. eigen samarbeidsavtale med NAV

- Myndighet til å gjera vedtak om økonomisk stønad
- Myndighet til å finna mellombels husvære
- Tiltak innan kvalifiseringsprogrammet

- **Lov om frivillig og tvungen gjeldsordning for privatpersoner av 17. juli 1992 nr. 99**

Jf. eigen samarbeidsavtale med NAV

- Fullmakt til å melda krav på vegne av kommunen - § 3-2
- Godkjenna forslag til frivillig gjeldsordning - § 4-12
- Møta til munnleg saksførebuing, og gje uttale - § 5-3, 2. og 3. ledd

- **Lov om folkehelsearbeid av 24. juni 2011 nr. 29**

Rådmannen har ansvaret for kommunen sine tenester innan miljøretta helsevern. Jf. kap. 3 med unntak av §10, 3. ledd, §§ 16 og 18 og saker av prinsipiell karakter.

- **Lov om vern mot smittsomme sykdommer av 5. august 1994 nr. 55**  
(kfr. Politisk delegeringsreglement)
  - Kommunen sine oppgåver blir delegerte til rådmannen - §§ 4-6, 4-9 og kap 7  
(Kommunelegen sine oppgåver går fram av § 7-2)
  
- **Lov om vern mot tobakkskader av 9. mars 1973 nr. 14 (Tobakkskadeloven)**
  - Tilsyn med at reglane om røykeforbod blir følgde - §§ 12 og 13
  
- **Lov om strålevern og bruk av stråling av 5. desember 2000 nr. 36. jf Forskrift om strålevern og bruk av stråling § 54 fjerde ledd.**
  - Tilsyn § 18 - gjeld solarier
  - Delegeringa gjeld ikkje stansing, tvangsmulkt og saker av prinsipiell karakter (kfr. Politisk delegeringsreglement)
  
- **Lov om barneverntjenester av 17. juli 1992 nr. 100**
  - Myndighet til å gjera vedtak innanfor dei rammene og i samsvar med dei føresetnadene som overordna politiske organ har sett med heimel i lov og forskrifter, når desse oppgåvene ikkje er lagde til fylkesnemnda eller leiar for barneverntenesten - § 2-1
  - (I hastesaker er myndighet delegert direkte frå kommunestyret til seksjonsleiar barnevern. Fagansvarleg i seksjonen er stedfortredar - § 4-6 andre ledd og 4-25)
  
- **Lov om introduksjonsordning og norskopplæring for nyankomne innvandrere av 7. april 2003 nr. 80**
  - Leggja til rette introduksjonsprogram - § 3

## 2.4 Etat for lokal utvikling

- **Lov om folkebibliotek av 20. desember 1985 nr. 108**
  - Myndighet etter loven i saker som ikkje er av prinsipiell karakter blir delegert til rådmannen.
  
- **Fordeling av tilskot til frivillige organisasjonar**
  - Rådmannen har myndighet til å avgjera enkeltsøknader om tilskot til kulturføremål i samsvar med gjeldande retningsliner.
  - Rådmannen har myndighet til å avgjera søknader om tilskot til nyanlegg etter gjeldande retningsliner med inntil kr. 100 000 pr. prosjekt.
  
- **Lov om vaksenopplæring av 19. juni 2009 nr. 95**
  - Rådmannen har myndighet til å fordela midlar til vaksenopplæringstiltak i organisasjonane innanfor budsjetttrammene, og i samsvar med vedtekne reglar - § 6
  
- **Fordeling av brukstider**
  - Rådmannen har myndighet til å fordela brukstider blant brukargrupper for bygg og anlegg som kan nyttast til kulturelle og idrettslege føremål.
  
- **Lov om kulturminne av 9. juni 1978 nr. 50**
  - Rådmannen har myndighet til å følgja opp den delen av loven som ikkje er forvalta av fylkeskommunen eller riksantikvaren
  
- **Lov om vern mot forurensing og avfall av 13. mars 1981 nr. 6 med forskrifter**
  - Kommunen sin myndighet i alle saker som ikkje er av prinsipiell karakter

- **Lov om kommunale vass- og avløpsanlegg av 16. mars 2012 nr. 12**
  - Rådmannen får delegert myndighet til å gjennomføra avgiftsvedtak og krevja inn avgift
- **Vegloven av 21. juni 1963 nr. 23**
  - Myndigheten til Lokal utvikling som vegstyremakt for kommunale vegar blir delegert til rådmannen i alle saker som ikkje er av prinsipiell karakter - § 9, 3. ledd
- **Lov om planlegging og byggesaksbehandling (plandelen) av 27. juni 2008 nr. 71**
  - Rådmannen får delegert myndighet i saker som ikkje er av prinsipiell karakter
- **Lov om yrkestransport med motorvogn og fartøy av 21. juni 2002 nr. 45**
  - Rådmannen får delegert myndighet til å gje uttale vedr. drosjeløyve m.m.
- **Vegtrafikkloven av 18. juni 1965 nr. 4 med forskrifter**
  - Kommunen sin skiltmyndighet, trafikk- og fartsreglar, særleg forbod mot trafikk og parkering, myndighet til å leggja parkeringsgebyr og tilleggsavgift m.m. blir delegert til rådmannen - §§ 4-8
- **Lov om motorferdsel i utmark og vassdrag av 10. juni 1977 nr. 82**
  - Kommunen sin myndighet etter § 6 (løyve etter søknad) i saker som ikkje er av prinsipiell karakter
- **Lov om eierseksjoner av 23. mai 1997 nr. 31**
  - Kommunen sin myndighet i saker som ikkje er av prinsipiell karakter
- **Lov om eigedomsregistrering av 17. juni 2005 nr.101 (matrikkelloven)**
  - Rådmannen får delegert kommunen sin myndighet etter matrikkelloven i saker som ikkje er av prinsipiell karakter
- **Lov om jord av 12. mai 1995 nr. 23 og gjeldande forskrifter frå landbruksdepartementet og Statens Landbruksforvaltning**
  - Rådmannen får delegert kommunen sin myndighet til å ta avgjerd i saker som ikkje er av prinsipiell karakter
- **Lov om skogbruk 27. mai 2005 nr. 23 (skogbrukslova) med tilhøyrande forskrifter**
  - Rådmannen får delegert kommunen sin myndighet til å ta avgjerd i saker som ikkje er av prinsipiell karakter
- **Lov om konsesjon ved erverv av fast eigedom av 28. november 2003 nr. 98 (Konsesjonsloven)**
  - Rådmannen har delegert myndighet til å ta avgjerd i saker av ikkje-prinsipiell karakter:
  - Saker vedr. konsesjon på utbyggingskontraktar - § 3
  - Saker vedr. konsesjon på ei enkelt bustadtomt eller tomt for fritidsbustad som det ikkje er bygt på, tomtestorleik inntil 2 da - § 4 første ledd nr 1
  - Gje uttale om konsesjonsfritak - § 4 første ledd nr 4
  - Saker vedr. konsesjon på eigedom med avgrensa konsesjonsfridom - § 4, 2. ledd og § 7
  - Saker vedr. fritak frå bu- og driveplikta for inntil 5 år - § 5, nr. 2 (jfr. også odelsloven § 27, 3. ledd)
- **Lov om odelsretten og åsetesretten av 28. juni 1974 nr. 58**
  - Kommunen sin kontroll med at bu og driveplikt blir oppfylt, blir delegert til rådmannen
- **Lov om forpaktning av av 25. juni 1965 nr. 1**
  - Rådmannen får fullmakt til å godkjenja forpaktingsavtale, og setja vilkår for denne - §§ 4 og 7

- **Lov om kirkegårder, kremasjon og gravferd av 7. juni 1996 nr. 32**
  - Rådmannen blir delegert myndighet til å avgjere kven som sørger for gravferd viss etterkomarane er usamde - § 9
  
- **Lov om jakt og fangst av vilt av 29. mai 1981 nr. 38 (Viltloven) og forskrift om felling av viltarter som gjør skade eller som vesentlig reduserer andre viltarters reproduksjon av 1. september 1997 nr 1000**
  - Delegering gjeld følgjande:  
Forskriften del II bokstav B
    - § 16 – fellingsløyve etter fastsette areal og kvotar (jaktval)
    - § 17 – vilkår for felling
    - § 18 – grunnlag for minsteareal
    - § 39 – obligatorisk jegerprøve
    - § 40 – fastsetjing av fellingsavgift etter statlege normer
    - §§ 43 og 48 – viltfond og bruk av vilt som tilfell fondet

Vedtatt i Klepp kommunestyre 14.11.16 sak 59/16.